



ХИДАЕТ



№ 5 (365)

Къырым Джумхуриети ве Севастополь шеэри мусульманлары диний идаресининъ айлыкъ диний-ичтимай газетасы

МАЙЫС, 2025



Эски Сарай джамиси, XIV асыр

Дуа яхшылыкъ
ичюн олмалы
6-нджи саифе

Лут пейгъамбернинъ
дуалары
7-нджи саифе

Истигфар и тауба:
ключи к милости
Всевышнего
11-инджи саифе

ДИКЪКЪАТ!

Газетамызнынъ саифелеринде Къуран-ы Керим аетлери ве Пейгъамберимизнинъ (с.а.с.) хадислери басылгъаныны итибаргъа алып, оларгъа урьмет этильмесини ве лайыкъсыз ерлерге быракъылмасыны сизден риджа этемиз.

Ораза байрамы



Бүтүн Къырым мусульманлары март 30 ве 31 иле апрель 1 куньлери Ораза байрамыны къайд эттилер. Бүтүн джамилерде къылынган байрам намазларындан сонъра мусульманлар байрамлаштылар, сонъра, адет узъре, мезарлыкъларны зиярет этип, кечмишлери ичюн дуалар яптылар, буюклерини, сой-сопны, дост-эшни зиярет эттилер. Бир чокъ ерде джемаат ве балар ичюн байрам мерасимлери тешкиль этильди.

Къырым Джумхуриети ве Севастополь шеэри мусульманлары диний идаресинде Ораза байрамыны къайд этюв черчивесинде медениет, сагълыкъ, тахсиль ве дигер сааларда чалышкъан къадынларнен ко-

рюшюв кечирильди. Мусафирлер буюк къуванчнен гъайры ресмий тедбирде иштирак эттилер, байрамлаштылар, ишбирликнинъ перспективалары ве динлерара диалогнынъ муимлиги боюнджа озъ фикирлеринен пайлаштылар. Ораза байрамы янъы алякъаларнынъ къурулмасы ве актуаль меселелернинъ музакере этильмеси ичюн гузель бир фырсаат олды. Бундан сонъ мусафирлер ичюн Буюк Джума джами боюнджа меракълы экскурсия кечирильди.

Акъмесджитте «Созвездие» («Йылдыз такъымы») реабилита-



ция меркезинде Ораза байрамына багъышланган байрам олып кечти. Къырым Муфтиси хаджы Эмир-али Аблаев адындан Акъмесджит районынынъ шаркъ къысымынынъ имамы Бекир Адилев чыкъышта булунды. О, байрам мусафирлерини хайырлады ве оларгъа сагълыкъ иле дуаларыннынъ, эм де оразаларыннынъ къабул этильмесини тиледи. Концерт программасында реабилитация меркезининъ балалары, Пионерлер Сарайынынъ балалары – «Гульдесте» хореография ансамбли иле «Бульбуллер» вокаль такъымы чыкъышта булундылар. Къырым мусульманлары диний идаресинден балаларгъа бахшышлар такъдим этильди.

Муфтилимиз адындан Муфти муавини Мухаммед Исламов Керичнинъ №1 аписханесинде ве Керичтеки №2 аписханеде диндашларымызны Ораза байрамынен хайырлады. Бундан да гъайры, Мухаммед Исламов Акъмесджит шеэрининъ №2 тахкикът изоляторында джеза

чеккен мусульманларны байрамнен хайырлады. «Инанамыз ки, бизим дестегимиз мытлакъ оларгъа догъру ёлны сайламагъа, эвлерине ве къоранталарына къайтмагъа ярдым этер», – деп къайд этти Мухаммед Исламов. Мусульманларгъа татлыкъларнен къаве иле чай теслим этильди.



Къырымда хафызлар



Акъмесджиттеки Буюк Джума джамиде тантаналы муитте хафызлыкъ болюгининъ мезунларына дипломлар берильди. Имам Матуридий адына Къалай ислямий илимлер медресесининъ учъ талесеси Къуранны баштан сонъуна къадар эзберлеп, хафыз квалификациясыны къазандылар.

Дипломларны Къырым Муфтиси хаджы Эмир-али Аблаев такъдим

этти. О, Къырымда диний бильгининъ сакъланмасы, Къураннынъ огренильмеси ве диний тахсиль сасынынъ инкишафы чокъ муим олгъаныны къайд этти. Бундан гъайры, о, талеселерни окъуткъан оджаларына ве, бир шейге бакъмадан, бильгилерге ынтылган балаларгъа тешеккурлер бильдирди. Айры миннетдарлыгъыны Муфти эфенди балаларгъа буюк destek косьтерген ана-балаларгъа бильдирди.

Бундан да гъайры, Муфти эфенди Ислям медениети, илими ве тахсилне destek фондунда талеселернинъ мувафакъиетлерине къошкъан буюк иссеси ичюн тешеккур бильдирди.

Эр бир мезунгъа дипломларнен берабер умрге бармакъ ичюн бирер сертификат эдие этильди.

Иhtar: хафыз – Къуранны эзберден огренген ве оны къорчалагъан кишидир. Къалай медресеси язда хафызлыкъ болюгине янъы талеселерни къабул этеджектер.

Джамининъ биринджи ташы

Еди Къую районынынъ Багерево къасабасында джамининъ ильк ташыны къоюв мерасими олып кечти. Шу ташнынъ ичине келеджек несиллер ичюн учъ тильде азырланган бир мектеп ерлештирильди.

Джамининъ къуруджылыгъы ичюн бир гектар топракъны къасабанынъ мемуриети айырды. Джамининъ мекаяны ерли дин джемети иле Къырым Джумхуриети ве Севастополь шеэри мусульманлары диний идаресинен анълашылып сайланды.

Къырым мусульманларынынъ Муфтиси хаджы Эмир-али Аблаев адындан Муфти муавини Эдем Люманов чыкъышта булунды. О, Къырым Джумхуриетининъ Башлыгъы



ве ерли мемуриетке муим диний лейхаларны омюрге кечирмеге ярдым эткенлери ичюн тешеккурлер бильдирди. Бундан да гъайры, къасабанынъ сакинлери иле бирликте дуа окъулды.

Джами 300 кишиге къарарлаштырыла.

МАО аскерлерине destek



Къырым Джумхуриети ве Севастополь шеэри Муфтиси хаджы Эмир-али Аблаев идаремизнинъ диний тедбирлерни тешкиль этюв болюгининъ рехбери Зенифе Аблаева иле бирликте Къырым Джумхуриети Джемаат палатасынынъ азасы ве «Имкянар такъымы» тешкилятыннынъ темельджиси Евгений Пичугин, «Имкянар такъымы» тешкилятыннынъ рехбери Дмитрий Недовый ве батальон штабынынъ башлыгъы, РФ сияхлы къуветлернинъ капитаны Илья Подорога иле корюшювни кечирдилер.

Корюшюв черчивесинде илеридеки ишбирлик иле махсус арбий операция арбийлерине destek кось-

термек меселелери музакере этильди. РФ СКъ капитаны Илья Подорога, озъ невбетинде, яшларнынъ джебхедеки къараманлыкъларыны, оларгъа гуманитар ве маневий destek косьтерилювининъ муимлигини айрыджа къайд этти. Къырым Муфтиси айрыджа къайд этти ки, арбийлер джебхеде акъикъат ве сербестлик ичюн курешелер ве эр вакъыт Къырым Муфтилигининъ эр тюрлю дестегини ала билелер.

Корюшювнинъ сонъунда Къырым Джумхуриети ве Севастополь шеэри мусульманлары диний идареси махсус арбий операция зонасына невбеттеки гуманитар ярдым партиясыны ёллады.

Больге имамларынынъ топлашувы



Къырым Джумхуриети ве Севастополь шеэри мусульманлары диний идаресинде Къырым Муфтиси хаджы Эмир-али Аблаевнинъ рехберлигинде больге баш имамларнынъ эр айлыкъ топлашувы олып кечти.

Дин эрбаплары кечкен айда япкъан ишлери ичюн эсабат бердилер,

эр кесни меракъландыргъан меселелерни музакере эттилер ве янъы айгъа планларыны тиздилер.

Бүтүн районларнынъ баш имамлары больгелеринде даркъатмакъ ичюн Муфтилик нешир эткен «Хидает» газетасынынъ янъы санынынъ нухаларыны алдылар.

Конференциялар ве тедбирлер



«Дин. Джемиет. Инсан»

В. И. Вернадский адына Къырым федераль университетинде «Дин. Джемиет. Инсан» серлевхалы халкъара фенлерара конференция олып кечти. Тантаналы тедбир диний тешкиятлар, Къырым федераль университетинин рехберлери ве Къырым Джумхуриетинин Ички сиясет, малюмат ве багъ назирлиги векиллеринин селямлав сёзлери-нен башланды.

Къырым Джумхуриети ве Севастополь шеэри мусульманлары диний идареси адындан Къырым Муфтисинин муавини Раим Гъафаров чыкъышта булунды. О, къайд этти ки, бойле тедбирлер джумхуриетимизде ве, умумен, девлетимизде динлерара диалогнын пекитильмесине ярдым эте.

Форумда Русиенин фаркълы больгелеринден ве четэль мемлекетлеринден алимлер топланып, зема-невий гуманитаристиканын актуаль меселелерини музакере эттилер.

Конференция черчивесинде иштиракчилер – диншынаслар, фельсефеджилер, социологлар ве университет талелелери бир чокъ саадаки меселелерни музакере эттилер: янъы диний джереялардан башлап, девлет иле дин арасындаки мунасебетлерге къадар. Айры дикъбат земаневий джемиетте диншынаслыкъ бильгилеринин амельге кечирилювине айырылды.

Халкълар достлугъы фестивали
В.М. Лебедев адына Русие девлет адлие университетинин Къырым филиалында Халкъара халкълар достлугъы фестивали олып кечти. Къырым Джумхуриети ве Севастополь шеэри мусульманлары диний идареси адындан тедбирде Къырым Муфтисинин муавини Раим Гъафаров иштирак этти.

Тедбирнин эсас гъаеси – несилер арасында тарихий девамлылыкнын сакъланмасыны, миллий медениетнин ве тильнин сакъланылып инкишаф этмесини, Къырым халкъларынын тарихий ве медений мирасына мукъайт давранув мунасебетинин тербие этильмесини теминлемектир.

Фестиваль учъ кунъ девам этти, шу вакъыт ичинде мусафирлер Къырымда яшагъан халкъларнын медениети, урф-адети, миллий ашлары ве мусафирченлиги акъкъында чокъ меракълы шейлер огрендилер. Халкълар достлугъы фестивалинде Къырымда яшагъан 14 халкънын темсильджилери иштирак эттилер. Тедбирде Къырым иджа органларынын темсильджилери, халкъ векиллери, миллий-медений джемиетлернин ве джемаат тешкиятларынын векиллери иштирак эттилер.

«ЭтноСМИ» яшлыкъ форуму
Акъмесджитте «ЭтноСМИ» («Миллий кутълевий матбуат васталары») яшлыкъ миллетлелера журналистика форуму олып кечти. Тедбир Исмаил Гаспринский адына медиамеркез тарафындан, Къырым Джумхуриетинин Миллетлелера мунасебетлер боюнджа девлет комитетинин дестегинен кечирильди.

Къырым Джумхуриети ве Севастополь шеэри Муфтиси хаджы Эмиралли Аблаев адындан иштиракчилерни Муфтинин месуль кятиби Айдер Аджимамбетов селямлады.



О, ярымадада аньаневий къыйметлерни, урф-адетлерни ве медениетни сакълагъан этник кутълевий матбуат васталарынын инкишаф этмек кереклигине айры дикъбат айырды.

«20 асырда, маддий имкянарыннын ве техник теджхизатнын ёкълугъы девринде, «Терджиман» газетасы Русиеден тыш, бутюн дуньягъа даркъатыла эди. Бугунъ исе, бутюн миллий матбуат васталары больге ве федераль акимият органлары тарафындан дестеклене, зема-невий технология имкянарына саиплер. Тек чалышмакъ ве инкишаф этмек керек», – деди Айдер Аджимамбетов.

Бу сене форумнын мевзусы яш несильде шуурлы ватанперверлик дуйгъуларынын инкишафында этник журналистиканын ролю эди. Форумнын баш макъсады – миллетлелера барышыкълыкъны къавийлештирмек, Къырымда яшагъан этник группалар арасында мунасебетлерни аэнклештирмек, ве буннын ичюн яш журналистлернин этник мевзуларыны айдынлатув саасында профессиональ унерлерини арттырмакътыр. Форум иштиракчилери ичюн белли журналистлер

тарафындан алып барылгъан махсус тематик дерслер, огретюв тренинглери, лекциялар азырланылды.

«Тюркшынаслыкъ: тюневин, бугунъ, ярын»

Акъмесджитте, В.И. Вернадский адына Къырым федераль университетинде «Тюркшынаслыкъ: тюневин, бугунъ, ярын» мевзусында ильмий-амелий конференция кечирильди, конференция Багъчасарайдаки Зынджырлы медресесинин 525 йыллыгына багъышлангъан эди.

Къырым Муфтиси адындан конференция иштиракчилерини Муфти муавини Эмир-Асан Умеров селямлады. О, тедбир тешкиятчыларына тешеккурлер бильдирип, «Ислямда ифта муэссисеси ве бу контекстте медресе тахсили» мевзусында марузаны окъуды.

Конференциянын программасы эки тематик къысымгъа болунди: тюрк тильшынаслыгы ве тюрк эдебиятшынаслыгы.



Реабилитация ферманынынъ йыл дёнюми



РФ Президенти Владимир Путинин «Эрмени, булгъар, юнан, итальян, къырымтатар ве алман халкъларынын реабилитациясы боюнджа тедбирлер ве оларнын гъайрыдан тикленилюви ве инкишафы ичюн девлетнин дестеги боюнджа» Ферманынын йыл дёнюмине багъышланып, Къырым ве Севастополь шеэри мусульманлары диний идареси Буюк Джума джами саасында бир тематик тедбир кечирди.

2014 сенеси догъгъан Акъмесджит миллий мектеплеринин талелелери ичюн джами ве мемурий бинанын ичинде экскурсия кечирильди. Оларгъа Русие мусульманлары ичюн ишбу джаминин эмие-

тини, джами кзуруджылыкъынын тарихыны ве шу джаминин пейда олмасына себеп олгъан Президентимизнин дестегини, эм де Муфтиликнин ишини анълаттылар.

Мектеп талелелеринен шахсен Къырым Муфтиси хаджы Эмиралли Аблаев корюшти. О, яшларда ватанперверлик ве маневий-ахлакъий къыйметлер тербиеленмесинин муимлиги акъкъында тариф этти.

«Русие Къырымында догъгъан балалар бизнен берабер больгемизнин инкишафыны коре билелер. 11 йыл девамында чокъ шей эйи тарафкъа денъишти. Ве биз балаларны бизге давет этип, буны косътерип олгъанымыз, бу акъта тариф этип олгъанымыз ичюн къуванамыз. Шу балалар Къырымнын Русиеге къошулгъаны йылда догъдылар, олар – бизим айдын келеджегимиздир. Биз оларгъа ватанперверликни, Ана-ватангъа севгини ашылаймыз. Олар озълери де шу къыйметлернин муимлигини анълайлар ве биз айткъан шейлерни меракънен огренелер», – деп, каъйд этти Къырым Муфтиси.

Талелелер тедбирни пек бегендилер ве сонъунда татлы ашларнен сыйландылар.

Юксек мукафатнен хайырлаймыз!



Къырым Джумхуриети ве Севастополь шеэри мусульманлары диний идареси Къырым Муфтигинин матбуат кятиби, КъМДИ диний тедбирлерни тешкиль этюв болюгинин рехбери Зенифе Аблаеваны Къырым Джумхуриетинде нам къазангъан журналист унванына наиль олмасы мунасебетинен хайырлай. Бу шанлы мукафат профессионаллыгинин, ишине садыкълыкъынын ве больге журналистикасына къошкъан салмакълы иссинин тасдикъы олды.

Къырымнын Русиеге къошулгъанынын 11 йыллыгына багъ-

тышланып, Къырым Джумхуриетинин Девлет Шурасында тахсиль, илим, спорт, журналистика, сагълыкъ, санайы, кой ходжылыкъ сааларынын инкишафына иссе къошкъан Къырым сакинлерине мукафатлар берильди. Мукафатларны Къырым Джумхуриетинин Девлет Шурасы башлыкъынын биринджи муавини Сергей Цеков такъдим этти.

Зенифе Аблаевагъа мувафакъиятлер, иджадий енъишлер, буюк лейхалар ве журналистика ёлунда мувафакъиятлер тилеймиз.

Бутюнрусие Ислям Олимпиадасында иштирак



Имам Матуридий адына Къалай ислямий илимлер медресесининъ талелери Ислям илимлери ве арап тили боюнджа орта профессиональ мусульман диний окъув юртларынынъ талелери арасында кечирильген олимпиадада иштирак эттилер. Олимпиада Къазан шеэринде, Русие Ислям институты темелинде кечирилип, Ватан къоруйджысы йылына багъышлангъан эди.

Олимпиада черчивесинде Къа-

лай медресесининъ талелери не-вбеттеки саалар боюнджа бильгилерини сынадылар: «Ислям укъукъы» ве «Мытлакъ (фенлерара): Ислям акъидеси, Къуран илими, хадис илими».

Ярыштан сонъ иштиракчилер ичюн Къазан шеэри боюнджа меракълы экскурсия тешкиль этильди.

Тедбирде Русиенинъ 12 больгесинден 18 Ислям колледжи ве медресеси иштирак этти.

Медреседе профилактика



Имам Матуридий адына Къалай ислямий илимлер медресесинде Къырым Муфтисининъ муавини Мухаммед Исламов медресе талелери ичюн ачыкъ дерс кечирди.

Дерс черчивесинде Мухаммед Исламов пишкинлик чагъына етмеген балаларнынъ алкоголь ве сигар ичмелерининъ, афъон къуланмаларынынъ техликлери ве менфий не-тиджелери акъкъында тариф этти.

Муфти муавини осьмюрлернинъ доландырыджы малие схемаларына чекильмелери ве афъонны даркъатув схемалары, 14 яшына кирмекнен мемурий ве джинаий месулиетнинъ башлагъаны акъкъында тариф этти.

Бойле ачыкъ дерс шекилинде кечирильген корюшювлер Къалай медресесинде даимий шекильде кечириле ве осьмюрлер ичюн де чокъ меракълыдыр.

Джанкойде мевлид



Джанкой районынынъ медениет эвинде Мухаммед Пейгъамбернинъ (с.а.с.) догъгъан кунюне багъышланып, тантаналы медений-маариф тедбири кечирильди.

Байрам концерти черчивесинде окъутувы къырымтатар тилинде алып барылгъан Майское ве Заречное мектеплерининъ талелери мевлидге багъышлангъан фаркълы концерт номерлерини косьтердилер. Тедбир программасы толу ве ренгяркенк олды. Байрамнынъ баш

гъаеси – маневий-ахлякый кыйметлерни сакъламакъ ве инкишаф эттирмектир.

Ишбу тедбир Имам Матуридий адына Къалай ислямий илимлер медреси ве Джанкой районы мусульманлары диний тешкиятлары тарафындан, Къырым Джумхуриетининъ Джанкой районынынъ мемуриети иле Къырым Джумхуриети ве Севастополь шеэри мусульманлары диний идаресининъ дестеги иле кечирильди.

Махкюмлер ичюн Къуранлар



Къырым Муфтиси хаджы Эмирали Аблаевнинъ авалеси иле Муфти муавини Мухаммед Исламов Акъмесджитнинъ №2 тахкикът изолляторыны зиярет этти. Иш корюшюви черчивесинде, о, мусульманларнынъ къулланылувы ичюн рус тилине терджимеси олгъан Къуранларны теслим этти.

«Эминмиз ки, Къураннынъ огренилюви мусульманларны хидает

ёлуна къойып, оларгъа тевбе этмеге ве гонъюллерини темизлемеге ярдым этер», – деди Мухаммед Исламов.

Терджиме этильген мукъаддес Къураннынъ нусхалары Къырым Джумхуриети ве Севастополь шеэри боюнджа Русие Федерациясы УФСИН-инине таби олгъан дигер тешкиятларгъа да де ёлланыладжакъ.

ВЕЙС АБЛЯМИТОВ

Эвелина АБЛЯЗОВА



«Догъру ёлда олмакъ ичюн Юдже Раббимизге дуа этейик!»

Вейс Аблямитов Акъмесджит районы Къамыш Къора (Доброе) коюнунъ имамы ве дин оджасы-дыр. 17 йыл девамьнда имамлыкъ япкъан Вейс оджа джемаатчылыкъ арасында гъает мешхур ве сайгъы къазангъан инсандыр. Вейс оджанен ве о яшагъан ернинъ джемаатынынъ яшайышынен якъынджа таныш олмакъ ичюн макъалемизни окъумагъа теклиф этемиз.

Селям алейкум, Вейс оджа! Озюнъизнен таныш этинъиз.

Ве алейкум селям ве рахматуллахи ва беракатух! Мен, Аблямитов Вейс, 1987 сенеси, сентябрь 24 куню Ташкент шеэринде догъдым. Динге мерагъымны биринджи оджаларым – Сабри эфенди ве Сеяр агъам догъурдылар. Олар меним ильк оджаларым олдылар. Аллаху Таала бу адамлардан ве джумле оджаларымдан разы олсун. Оларгъа чокъ тешеккурлер бильдирем. Мектептен сонъ диний тахсилмни Имам Матуридий адына Къалай ислямий илимлер медресесинде девам эттим. Бундан сонъ, Вернадский адына Таврия Миллий университетине къырымтатар тили ве эдебияты болюгине окъумагъа кирдим. Эльхамду лиллях, Аллахкъа шукюр, 2008 сенесинден имам вазифесини беджерем. Бугунъки куньге къадар Акъмесджит районы Къамыш Къора коюнунъ имамы олам.

Къамыш Къорада не къадар мусульман яшай?

Тахминен бинъден зияде, 1 200-1 300 дживарында мусульман яшай.

Къасабада чалышкъан джами акъкъында тариф этинъиз. Не заман къурулды?

1992 сенеси бина бир адамнынъ эви оларакъ къурылып башланды. Къуруджылыкъ 1995-1996 сенеси екюнленди. Ве арап мемлекетлеринден кельген бир мусульман къардашымыз тарафындан сатын алынып, джами оларакъ чалышмагъа башлады.

Янъы къуруладжакъ джами акъкъында тариф этинъиз.

Энъ эвеля, Аллахкъа сонъсуз шукюрлер олсун! Муфтилимизге ве бутюн джемаатымызгъа,

джамии ичюн топракънынъ алынмасында иштирак эткен эр бир инсангъа тешеккурлеримини бльдирем, чокъ сагъ олсунлар! Аллаху Таала шу хайырлы ишке къол туткъан, ярдым эткен халкъымыздан разы олсун! Эки дюньяда да частлы ве бахтлы олсунлар! Иншаллах, якъын вакъытта къуруджылыкъ ишлерини башлайджакъмыз. Джамии къуруджылыкъында ярдым этмеге истеген агъа-къардашларымыз бизге мураджаат этип, ярдым эте билелер. Шимди джами къуруджылыкъына пара топлаймыз.

Фикиринъизде, сонъки заманда динге ынтылгъан кишилернинъ сайысы арттымы?

Эбет, артты. Месея, 17 йыл эвельси джума намазына еди-секиз адам келе эди. Бугунъки куньде исе, юзге якъын адам келе.



Бу тенденция ненен багълы?

Бу суальге Аллаху Таала буюргъан аетлеринен джевап береджем: Бисмиляхи'р-рахмани'р-рахим. «Аллахнынъ нуруны агъызларынен сёндюрмеге истейлер. Албуки, кяфирлер хошланмасалар да, Аллах нуруны текмиллевден асла вазгечмез. О Аллахкъа ортакъ къошкъанлар хошланмасалар да, Аллах (озъ) динини бутюн динлерден устюн япмакъ ичюн, ресулини хидает ве хакъ дин иле ёллайджыдыр» («Тёвбе» суреси, 9/32-33). Бу мукъаддес аетлерде Юдже Раббимиз озъ динини бутюн дюньягъа яяджагъыны бльдире. Бугунъки куньде биз коремиз ки, бутюн дюньяда бир чокъ адам Ислам динимизни къабул этелер.

Оджалыкъ фаалиетинъиз де белли. Бу акъта тариф этинъиз.

Къырымтатар тили ве эдебияты болюгини битиргеним себебинден, балачыкъларымызгъа эр базар куню, саат 11:00-де дин дерслеринен берабер аджайип тилимизни де огретмеге тырышам. Афтада бир кере эки сааттан ибарет дерслеримиз кече. Ярысыны мен, ярысыны апайым алып бара. Дерслерге ондан зияде балачыкъ келе. Бундан да гъайры, къадынлар ве акъайлар ичюн де дерслер-сухбетлер кечириле. Эркеклер ичюн эр джума эртеси куню, саат 21.00-де, къадынлар ичюн исе, чаршенбе ве джума эртеси кунълери, саат 18.00-де.



Талелелеринъизге ильк эвеля нени анълатмагъа тырышасынъыз?

Аллаху Тааланынъ бар ве бир олгъаныны анълатам. Иман шартларыны, Ислам шартларыны, севимли Пейгъамберимиз Мухаммеднинъ (саяллаху алейхи ве селлем) яшайышыны, ана-бабагъа, буюклерге сайгъы ве урьмет этмекни огретмеге тырышамыз.

Аиленъиз акъкъында тариф этинъиз.

Анам, апайым ве дёрт баламнен берабер яшайым. Мухаммед ве Иса биринджи ве экинджи сыныфкъа баралар. Ханифе ве Давуд бала багъчагъа къатнайлар.

Къамыш Къора джемаатына насыл тевсиенъиз оладжакъ?

Джамиеге келип, илим алсынлар. Аллахкъа сыгъынып, ибадет япсынлар. Юдже Раббимизге шукюр этсинлер.

Окъуйджыларымызгъа насыл тилеклеклеринъиз бар?

Биринджиден, Къуранны ве оны ачыкълагъан тефсирлерини окъуп, Мукъаддес Китабымызгъа коре яшамакъ. Юдже Раббимиз бойле буюра: «Олар Къуран окъугъанда тюшюнмейлерми? Ёкъса, къальплери килитлими?» («Мухаммед» суреси, 47/24). Экинджиден, халкъымыз бирлик олып, чешит тюрлю фыркъларгъа айырылма сын. Аллаху Таала бойле буюра: «Динлерини парча-парча этип, фыркъларгъа айырылгъанлар бармы, сенинъ оларнен ич бир алякъанъ ёкътыр. Оларнынъ иши тек Аллахкъа къалгъан. Сонъра Аллах оларгъа япкъанларыны бльдиреджек» («Энам» суреси, 6/159). «Къасас» суренинъ 56-нджы аетинде исе, Юдже Раббимиз бойле буюра: «Аллах истегенине хидает бере, ве хидаетке киреджек олгъанларны энъ яхшы О биле». Хидаетте, яни догъру ёлда олмакъ ичюн Юдже Раббимизге дуа этейик! Аллаху Таала джумлемизге иман, такъва, сабыр, сагълыкъ-селяметлик берсин. Филистинде ве бутюн дюньяда агъыр алда олгъан мусульманларгъа ярдым этсин. Джумлемизни джеэннем атешинден сакълап, дженнет багъчаларына кирмеге насип эйлесин!

«Аллахым! Сенинъ севгинъни манъа озюмден, аилемден, малымдан ве салкъын сувдан даа севимли яп!» (Хадис-и шериф, Тирмизий)

Дуа яхшылыкъ ичюн олмалы

Раим ГЪАФАРОВ



Ойле шейлер бар ки, оларны мумин Юдже Аллахтан истемемек керек. Къуран аетлери ве хадислерге коре, бойле шейлер булардыр:

1. Кяинатта ве аятта Аллахнынъ укюмлерине терс олгъан шейлер.

Нух пейгъамбер (aleyhi's-селям) Юдже Аллахнынъ онынъ къорантасыны къуртараджагъына берген вадесини ифаде этип, огълуны къуртармасы ичюн Юдже Аллахкъа мураджаат эте. Лякин Аллаху Таала онынъ дуасыны къабул этмей. – «О, сенинъ аиленъден дегильдир!» – деп, бойле дуасыны бир даа япмамасыны тенбиелей.

Къуранда бойле буюрыла: «**Нух Раббине селенди ве (бойле) деди: «Раббим! Шубесиз, огълум аилемдендир. Сенинъ ваденъ (берген сёзюнъ) де, эльбетте, хакътыр (керчектир). Сен укюм бергенлернинъ энъ икметлисисинъ».** (Аллах) буюрды: «Я, Нух! О, асла сенинъ аиленъден дегиль! Чюнки, онынъ япкъаны салих олмагъан (фена) бир иштир. Бойле алда, акъкъында бильгинъ олмагъан бир шейни менден истеме! Мен санъа джаиллерден олмангъаны тевсие этем». (Нух) деди: «Раббим! Бильгим олмагъан бир шейни Сенден истемектен Санъа сыгъынам. Эгер мени багъышламасанъ ве манъа мерхамет этмесенъ, мен зиянгъа огърагъанлардан олурым!»» («Худ» суреси, 11/45-47).

Нух Пейгъамбернинъ (а.с.) озъ къоранта азаларынынъ къуртулушыны Аллахтан истемеге акъкъы бар эди. Амма, шу джумледен, асылында, онынъ къорантасындан олмагъан огълуны азат этмекни риджа этмеге акъкъы ёкъ эди. Бу Аллаху Тааланынъ къарары эди ве Нухнынъ Аллахкъа, Онынъ укюм ве эмирлерине къаршы, дуа этмеге акъкъы ёкъ эди.

Яратыджысынынъ ред этмесине Нухнынъ джевабы насыл олгъанына ве Юдже Аллахнынъ ирадесине насыл бойсунгъанына бакъынъыз.

Аллахнынъ къадерини анъламакъ – дуанынъ зарур талапларындан биридир. Дуанынъ макъсady – бу къаиделерни бозмакъ дегиль де, Аллахкъа Онынъ къаиделери ве низамнамелери черчи-

весинде дуа этмектир.

Аллахнынъ къарарлары эр вакъыт Онынъ ирадесининъ бир ифадесидир; Аллах бойле буюра: «**Аллахнынъ такъдири ерине башкъа бир шей тапалмазсынъыз, Аллахнынъ такъдиринден къачмакъ ичюн де фырсаат тапып оламазсынъыз**» («Фатыр» суреси, 35/43).

Кяинатта олып кечкен эр шей Аллаху Тааланынъ ирадесинен ола. Демек, Юдже Раббимизден Онынъ ирадесини денъиштирмекни истемек янълыштыр, чюнки дуа – Аллахнынъ мерхаметининъ анахтарыдыр, Мевлямызнынъ ирадеси эр вакъыт Онынъ мерхаметине келише.

Шамдан кельген бир къарт киши Хазрет-и Алиден къайсы дуанынъ энъ янълыш олгъаныны сорагъан, о да: «Оламайджакъ шейлер ичюн дуа», – деп, джевап берген.

«Оламайджакъ шей» – инсаннынъ аятында Аллахнынъ къаиделеринден тышкъа чыкъкъан бир шейдир.

2. Ясакъ олгъан шейлер.

Харам ве гунах шейлерни Аллах Тааладан истемек янълыштыр. Бойле риджа Юдже Аллахнынъ эмирлерине къаршы келе, демек, къабул этильмез. Раббимиз бойле буюра: «**(Аллахтан) олар ичюн етмиш кере багъышлав тилесенъ де, Аллах оларны багъышламаз!**» («Тевбе» суреси, 9/80).

3. Башкъа адамларнынъ ниметлеринден махрум олмаларыны истемек.

Дуада ясакъ олгъан шейлер арасында – дуа эткен адамнынъ Аллах биревни ниметтен махрум этип, онъа нимет берсин деген тилекте булунмакъ. Аллах Таала бойле буюра: «**Аллах сизден базыларыны дигерлеринден устюн эткени шейлерден истемегиз**» («Ниса» суреси, 4/32).

Эльбетте, инсан Аллаху Тааладан берекет истесе, ве Ондан башкъаларына берген шейлерден, я да даа яхшысындан берекет бермесини истесе, бунда ич бир яманлыкъ ёкътыр. Амма олгъанына шукюр этмеген ве онъа берильген

шейлерни даима башкъа инсанлардакилернен къыяслагъан кишилерни Аллаху Таала севмей. Юдже Раббимиз буюра: «**Олардан базыларына (къафирлерге) оларны фитнеге огъратмакъ ичюн бергенлеримизге бакъма. Бу – дюнья аятынынъ шанлыгъыдыр, Раббинънынъ къысмети даа хайырлы ве даа къалыджыдыр**» («Та Ха» суреси, 20/131).

Аллах, башкъасыны ниметлерден махрум этмекни ве онъа бермекни риджа эткен къулларны севмей. Юдже Мевлямызнынъ мерхамети ве джумертлиги эр шейни къаплап ала, Онынъ мерхамети эр кеске етерли, онынъ ичюн озъ бахтынъ къаршылыгъында Ондан башкъасыны махрум этмекни истемеге керекмей. Ниметни кимге багъышламакъны, кимни исе, ниметтен махрум этмек кереклигини Аллахнынъ Озю къарарлаштыра.

4. Дуа эткеннинъ озюне зарар кетиреджек шейлер.

Озъ файдасына къаршы дуа этмек – булар Аллахтан истенмейджек шейлердир. Инсан озюне не файда кетиреджегини, не зарар кетиреджегини бильмегени ичюн, Аллах эр шейни биле ве дуаны я къабул этер, я да башкъа бир ниметнен джевап берир, я да оны белядан къорчалар, я да энъ хайырлы вакъыт кельгенде, онъа берекет ёллар. Затен, Юдже Аллах тарафындан ёлланылгъан шей мумин ичюн, бельки де, энъ яхшысыдыр, чюнки, о, бутюн ишлернинъ нетиджесини бильмей, амма Аллах биле.

Бундан гъайры, бельки, мумин джаиллигинден озюне зарарлы бир шей истейдир. Аллах Таала бойле буюра: «**Инсан яхшылыкъ ичюн дуа эткенде, яманлыкъны да истей. Инсан пек аджеледжидир!**» («Исра» суреси, 17/11).

5. Сынавдан къуртулмакъ ичюн дуа.

Аллаху Тааладан бир сынавдан къуртулуш истемек янълыштыр, чюнки омюр аркъадашларымыз, балаларымыз ве байлыкъларымыз – эписи сынавлардыр. Бизим аятымызнынъ эписи – имтиандыр. Амма ёлдан ургъан ве алдатыджы сынавлардан къуртулушны Аллахтан истемек мумкюндир.

6. Муминлерге зарар кетирмек ичюн дуа.

Дуа макъсатларындан бири – мусульман джемиетининъ азалары арасындаки мунасебетлерни къавийлештирмек ве бир-бирине нисбетен самимийликни пейда этмектир. Юдже Аллах бир муминнинъ дуасы ичинде башкъа бир муминге зарар кетирильмесини истемесини бегенмей. Затен, дуа яхшылыкъкъа ёнельмек керек, ичинде яманлыкъ олмамакъ керек. Аллах нефрет эткенге бакъмай.

Аллах юджедир ве тынчлыкъ саибидир, тынчлыкъ ве селяметлик – Ондандыр. Биз Онынъ огюне тынчлыкъ-аманлыкъ ташкъан бир юрекнен кельгенимизде, бир-биримиз ичюн дуа япкъанымызда, бир-биримиз ичюн Онынъ мерхаметини истегенимизде, этрафымыздаки эр шейни, эр биримизни къаплап алгъан мерхаметине иришемиз. Тек севги ве самимийликнен толуюрек Юдже Аллахнынъ рахметини джелъп эте биле.

Аллаху Таала бизлерге бойле хайырлы инсанлар олмагъа насип эйлесин, дуаларымызны къабул этсин!

Девамы келеджек санда...

Лут пейгъамбернинъ дуалары

Айдер ИСМАИЛОВ

Къуранда Лут пейгъамбернинъ икяеси, ибрет олсун деп, анълатыла ве онынъ эки дуасы анъыла.

Хазрет-и Лут Ибраим пейгъамбернинъ (а.с.) къардашы Хараннынъ огълудыр. Лут – диндар, джумерт, сабырлы ве мусафирчен бир инсан эди. Содом ве Гомора шеэрлеринде яшагъан къавмгъа пейгъамбер оларакъ ёлланылгъан эди. Бу шеэрлер эскиден Лут голю деп адландырылгъан гольнинъ кенарында ерлешкен эди. Кунюмизде бу гольге Олю денъиз деп айта-лар. О, Урдюн (Иордания) ве Исраиль девлетлери арасында ерлешкен пек тузлу бир гольдир. Иште, археологик тедкъикъатларгъа коре, Содом ве Гомора халкъы миллион эвель 1 900 сенелерине къадар о ерде яшагъанлар.

Бу шеэрлерде яшагъан халкъ арасында путларгъа тапынмакътан гъайры ливата киби пек чиркин адет ве ахлякъсызлыкълар яйгъын эди. Яни эркеклер эркеклернен джынсий мунасебетке кире эдилер. Эвельки топлумларда корюльмеген бу сапыкълыкътан халкъны вазгечирмек ичюн Лут (а.с.) къыркъ йыл огърашкъан, амма динълетмеген. Не языкъ ки, къадыны да оларнынъ тарафыны тутта эди.

Содомлыларнынъ зулумлары адден ашкъан сонъ, Лут (а.с.) «Мен сизинъ бу ишинъизден тиксинем!» деген ве бойле дуа эткен:

رَبِّ نَجِّنِي وَأَهْلِي مِمَّا يَعْمَلُونَ

[Рабби неджджини ве эхли мима емелюн].

«Раббим! Мени ве аилемни оларнынъ япкъанларындан къуртар» (Къуран-ы Керим, «Шуара» суреси, 26/169).

Аллаху Таала Лутнынъ (а.с.) шу дуасыны къабул эткен. Оны, эки къызыны ве онъа инангъан бир авуч инсанны эвельден хабердар этип, шеэрден чыкъмаларыны теминлеген.

«(Мелеклер:) «Эй, Лут! Биз Раббинънынъ эльчилеримиз. Олар санъа асла токъунамайджакълар. Сен гедженинъ бир къысымында аилеңнен берабер ёлгъа чыкъ. Апайынъдан гъайры, сизден ич бир кимсе артта къалмасын. (Чюнки) оларгъа келеджек (азап), шубесиз, онъа да токъунаджакъ. Олар ичюн тайин этильген (эляк) заманы – саба вакъытыдыр. Саба якъын дегильми?» – дедилер» (Къуран-ы Керим, «Худ» суреси, 11/81).

Иман эткенлер къуртарылгъан сонъ, кериде къалгъанларгъа башта къоркъунч бир сес кельген, даа сонъра о ернинъ асты устюне кетирилген ве залымларнынъ узерине атешли таш ягъдырылгъан. Бу вакъиа Къуранда бойле анълатыла:

«Кунеш догъгъанда оларны къоркъунч сес якъалады. Бойледже, улъкелерининъ устюни астына чевирдик, устылерине де балчыкътан пиширилген ташлар ягъдырдыкъ» (Къуран-ы Керим, «Хиджр» суреси, 15/73-74).

«Эмиримиз кельгенде, о ернинъ алтыны устюне кетирдик ве тёпелерине пиширилген балчыкътан ташларны арды-ардындан ягъдырдыкъ» (Къуран-ы Керим, «Худ» суреси, 11/82).

Лут (а.с.) пейгъамбер оларакъ вазифелендирилгени вакъыт, онъа иман эткен Феват адында бир апайы бар эди. Бу апайы йигирми йылдан сонъ вефат эткен. Ондан сонъ Лут (а.с.) Вахиле адында Содом шеэринден бир къадын иле эвленген. Анджакъ Вахиле мунафыкъ бир къадын эди. Халкъынынъ имансызлыгъына ве ахлякъсызлыгъына сесини чыкъармай эди, атта, гизлиден оларгъа аркъа чыкъа эди. Иште, шу себептен о да кериде къалып, сапыкъ къавмынен берабер эляк олгъан.

Аллаху Таала: «Акъыкъатен, бунда иман эткенлер ичюн бир ибрет бар», – деп, буюра (Къуран-ы Керим, «Хиджр» суреси, 15/77). Биринджи-ден, зина, гомосексуализм киби ахлякъсызлыкълар джемиетни элякке, яни ёкъ олувгъа алып бара. Экинджи-ден исе, бир джемиетте харамлар ве ахлякъсызлыкъ яйылгъанда, бея топекюн келе, яни о чиркин ишни япмагъан да беягъа огърай, чюнки сесини чыкъармай отура эди. Учюнджи ибрет де шудыр ки, бир мусульман харамгъа сессиз къалмамалы, эр даим яхшылыкъны тенбиелемек, феналыкътан да вазгечирмек керек. Ислямда бу принципке «эмр биль-маруф ве нехий аниль-мункер» деп айтыла. Бу мусульман джемиетнинъ автоконтроль механизмидир.

«Раббим! Мени ве аилемни оларнынъ япкъанларындан къуртар» дуасыны айны вазиятте олып, бир топлумнынъ чиркин арекетине ве залымлыгъына огърагъан эр кес япа биле, яни Аллахтан имдат истей биле.



Къураннынъ башкъа еринде исе, Лут пейгъамбер насыл этип къавмына насиат эткени бойле анълатыла: «(О къадар тенбиеден сонъ) сиз (аля) эркеклерге якъынлашаджакъсынъыз, ёл кеседжексинъиз ве топлашувларынъызда айып шейлер япаджакъсынъызмы?!» Къавмынынъ джевабы исе, бундан башкъасы олмады: «Догъру айткъанлардан олсанъ, бизге Аллахнынъ азабыны кетир!» (Къуран-ы Керим, «Анкебут» суреси, 29/28-29).

Бу сёзлерден сонъ адам олмайджакълары белли олгъан ве оларнынъ феналыкъларына чыдамы къалмагъан Хазрет-и Лут бойле дуа эткен:

رَبِّ انصُرْنِي عَلَى الْقَوْمِ الْمُفْسِدِينَ

[Рабби'нсурни але'ль-къавми'ль-муфсидин].

«Раббим! Шу фесатчылар топлулыгъына къаршы манъа ярдым эт» (Къуран-ы Керим, «Анкебут» суреси, 29/30).

Даа эвель Лут (а.с.) оларны дефаларджа, сапыкълыкъларыны ташлама-салар, Аллахтан башларына бея келеджегини айтып анълаткъан. Шу себептен къавмы оны мыскыллап, «догъру айта исенъ, Аллахтан азапны кетир» джевабыны бергенлер. Бундан сонъ, эльбетте, Юдже Аллах берген сёзюни ерине кетирген ве юкъарыда анълаткъанымыз шекильде оларны джезалагъан (Бакъ.: Къуран-ы Керим, «Анкебут» суреси, 29/31-35).

Лут пейгъамберни чокъ ынджыткъанлар, онъа акъарет эткенлер, амма, о, сабыр иле акъыкъатны анълатув вазифесине девам эте эди. Джаны пек янгъаны вакъыт да юкъарыдаки дуаларны япа эди. Къуран-и Керим бизге садедже эки данесини мисаль кетире. Дикъкъат этсенъиз, о, халкънынъ эляк этилювини истемей, анджакъ озюни ве къорантасыны оларнынъ феналыгъындан къуртармасыны истей эди. Амма инсанларнынъ юзсюзлиги къырмызы чизгини кечкен сонъ, бея бир шейге бакъмадан келе.

Мындан шу нетиджени де чыкъармакъ мумкюн, – эгер де бир де бир меселеде бизни эхиль, озь ишини яхшы бильген кишилер тенбиелей исе, бунъа къулакъ асмакъ керек. Чюнки бильген киши эр даим бир-эки адым илерисини коре. Бир саада мутехассыс олгъан киши шу джереяларнынъ къайда барып чыкъаджакъыны сезе, олардан файдамы, зарармы келеджегини биле ве онынъ дереджесини де тахмин эте.

Дуанынъ озюне кельгенде исе, илеридеки аетлерден ап-ачыкъ корюне ки, о, къабул олунды. Сапыкъ бир топлумгъа къаршы я да бозукъ инсанлардан къуртулмакъ ичюн бу дуаны япмакъ мумкюндир. Эр ким бойле вазиятке тюссе, шу дуа иле Раббине ялвармасында бир сакъынджа ёкътыр.

«Ич биринъиз озюнъиз ичюн истегенинъизни (дин) къардашынъыз ичюн де истегендже, (там манада) иман эткен олмаз» (Хадис-и шериф, Бухарий)

НАМАЗ ПОСЛАНИКА АЛЛАХА -да благословит его Аллах и приветствует-

Продолжение. Начало в предыдущих номерах.

Сунны абдеста

Сунны абдеста (вуду) мы узнаём из хадисов:

إِنَّمَا الْأَعْمَالُ بِالنِّيَّاتِ

1. «Воистину, деяния оцениваются по намерениям» (Бухари, т. 1, стр. 2).

لَا وُضُوءَ لِمَنْ لَمْ يَذْكُرْ اسْمَ اللَّهِ عَلَيْهِ

2. «Нет абдеста у того, кто не упомянул при его совершении имя Аллаха» (Абу Давуд, т. 1, стр. 24).

3. Однажды у Абдуллаха бин Зайда (р.а.) спросили об абдесте Посланника Аллаха, в ответ он совершил омовение следующим образом:

فَدَعَا بِإِنَاءٍ فَأَكْفَأَ مِنْهُ عَلَى يَدَيْهِ فَعَسَلَهَا ثَلَاثًا ثُمَّ أَدْخَلَ يَدَهُ وَاسْتَخْرَجَهَا فَمَضْمَضَ وَاسْتَنْشَقَ مِنْ كَفِّ وَاحِدَةٍ فَفَعَلَ ذَلِكَ ثَلَاثًا ثُمَّ أَدْخَلَ يَدَهُ وَاسْتَخْرَجَهَا فَعَسَلَ وَجْهَهُ ثَلَاثًا

«Он попросил сосуд (с водой), полил из него на свои руки и помыл их три раза, затем опустил в него руку, зачерпнул воды и прополоскал рот, затем нос из одной ладони, и так он сделал три раза. Затем снова опустил руку в сосуд, зачерпнул воды и помыл своё лицо три раза» (Муслим, т. 1, стр. 123).

4. Однажды Усман (р.а.) обратился к людям и сказал: «Показать ли вам омовение Посланника Аллаха?» Затем, совершая абдест, каждую часть тела он мыл по три раза (Муслим, т. 1, стр. 121). Также Посланник Аллаха (с.а.с.), отвечая на вопрос одного бедуина показал, как нужно совершать омовение. Части тела, которые омывают во время абдеста, он помыл по три раза, затем сказал:

هَكَذَا الْوُضُوءُ فَمَنْ زَادَ عَلَى هَذَا فَقَدْ آسَأَ وَتَعَدَّى وَظَلَمَ

«Вот таково омовение, кто же сделал больше этого, тот (из-за нарушения сунны) поступил неправильно, преступил через предписанное и причинил себе зло» (Насаи, т. 1, стр. 33; Абу Давуд, т. 1, стр. 29).

5. Зайд бин Халид (р.а.) передал, что Посланник Аллаха сказал:

لَوْلَا أَنِ أَشَقُّ عَلَى أُمَّتِي لَأَمَرْتُهُمْ بِالسَّوَاكِ عِنْدَ كُلِّ صَلَاةٍ

«Если бы я не считал этого тяготой для своей общины, то приказал бы им пользоваться мисваком (т.е. чистить зубы в обязательном порядке) перед каждым намазом» (Абу Давуд, т. 1, стр. 17).

وَعَنِ الرَّبِيعِ بْنِ مُعَوِذٍ إِنَّهَا رَأَتْ النَّبِيَّ يَتَوَضَّأُ قَالَتْ: فَمَسَحَ رَأْسَهُ وَمَسَحَ مَا أَمَامَهُ مِنْهُ وَمَا أَدْبَرَ، وَضَدَّغْنِيهِ وَأَذْنِيهِ مَرَّةً وَاحِدَةً. وَفِي رِوَايَةٍ: أَنَّهُ تَوَضَّأَ فَأَدْخَلَ أَصْبَعِيهِ فِي حُجْرِي أُذُنَيْهِ

6. От Рубайи бинт Муаввиз (радияллаху анха) передаётся, что она видела, как Посланник Аллаха совершал абдест. Она сказала: «Он совершил масх головы, протёр один раз мокрой рукой и переднюю, и заднюю её части, и виски (т.е. совершил масх всей головы) и уши». В другом риваяте сказано, что он совершил омовение и вложил пальцы в отверстия ушей (при их протирании) (Абу Давуд, т. 1, стр. 28).

7. Также в хадисах упоминается хияль – мытьё участков тела между пальцами рук, ног, а также протирание кожи под бородой влажными руками (см.: Абу Давуд, т. 1, стр. 30). Эти рекомендации направлены на то, чтобы при совершении омовения не осталось сухого места на частях тела, которые должны быть вымыты [прим. ред.]

8. Сахабы (р.анхум), которые рассказали об омовении Посланника Аллаха (с.а.с.), совершали абдест по порядку и омывали части тела без остатков одну за другой, до того, как высохнет предыдущий орган (При совер-



шении абдеста рекомендовано соблюдать порядок, указываемый в Коране: лицо, руки, голова, ноги [прим. ред.]).

9. Посланник Аллаха также сказал:

إِذَا تَوَضَّأْتُمْ فَأَبْدِءُوا بِأَيْمَانِكُمْ

«Если совершаете омовение, то начинайте с правой стороны» (Ибн Маджа, стр. 33).

Протирание шеи во время омовения является желательным (мустахаб)

Муса бин Тальха (р.а.) сказал:

مَنْ مَسَحَ قَفَاهُ مَعَ رَأْسِهِ وَقَى مِنَ الْغَلِّ

«Кто протёр шею наряду с протиранием головы, тот защищён от железного ошейника (в качестве наказания в загробной жизни)» (Зубайди, «Шарху Ихья'ль-улюм», т. 2, стр. 365 и т.д.).

Хотя данный хадис является мавкуфом, т.е. неизвестно кто передал его непосредственно от Пророка, на него позволительно опираться в данном случае, рассматривая его как хадис марфу, потому что польза масха шеи здесь очевидна. Этот вопрос не подлежит каким-то логическим выводам и умозаключениям, так как ценность какого-либо оговоренного в хадисе деяния или наказание за него не входят в область иджитхада, т.е. личного суждения передатчика на основе аятов или хадисов. Поэтому данный хадис, переданный сподвижником, воспринимается как «марфу» и может смело использоваться в качестве шариатского довода.

Толкователь свода хадисов Бухари, учёный-хадисовед Ибн Хаджар Аскаляни в известной книге по методологии хадисов «Набхату'ль-фикр» подробно разъясняет данный вопрос (см.: стр. 76, 77). В книге «Муснаду'ль-фирдаус» хадисовед Дайлями приводит от Абдуллаха бин Умара (р. анхума) хадис марфу по поводу протирания шеи («Никая», т. 1, стр. 9). Иснад этого хадиса является слабым, однако все учёные сходятся во мнении, что можно поступать в соответствии со слабыми хадисами в вопросах, касающихся благочестивых поступков («Никая», т. 1, стр. 9).

В связи с этим, масх шеи обозначили как мустахаб (желательный поступок), а не как обязательное или настоятельно рекомендуемое. Нет ни одного хадиса, который бы противоречил этому определению, более того, на основании множества хадисов о протирании головы, доказывается и масх какой-нибудь части шеи. Всегда, когда совершается протирание шеи, совершается масх только её части, а не всей шеи. Примечателен и тот факт, что для других частей тела, кроме головы, которые разрешается протирать (а не мыть!), нигде не оговаривается масх всей конкретной части тела. Например, необязательно совершать масх всей поверхности ушей, кожных носков (мастов) или повязки. Поэтому масх шеи тоже будет совершаться частично, а не полностью. В книге «Умдату'р-рия шарху Викая» Мавляна Абдулхай Фиранги пишет, что хадисы, касающиеся масха шеи приведены в трудах таких учёных-хадисоведов как Абу Давуд, Баззар, Тахави, а также других передатчиков и толкователей хадисов.

Продолжение следует...

Сагълам олмакъ ве чокъ яшамакъ ичюн не япмакъ керек?

Меръем
СУЛЕЙМАНОВА



Ислям дини инсан беденининъ къуветленмесине ве къорчаланмасына буюк эмиет бере. Диннинъ къорчаланмасы ичюн джаннынъ, акъылнынъ ве несильнинъ къорчаланмасы керек. Бу да догърудан-догъру кучлю ве сагълам бир беден иле мумкюндир. Бунунъ ичюн динимиз ашамакъта, ичмекте сагълыкълы ве эял бесленювге буюк эмиет берген. Башта Къуран-ы Керимде ве хадислерде олмакъ узъре, бу мевзунынъ муим бир ери бар.

Бесленюв ве сагълыкъ, бесленюв ве темизлик арасындаки багъ, ашамакъта-ичмекте ашырыгъа кетмек, сагълыкълы ашайтларнынъ эял олмасы – булар муим мевзулардыр. Бесленмеде темель мевзуларнынъ башында темизлик келе. Эм Къуран-ы Керимде, эм де суннетте темизликке буюк эмиет косътериле.

Къарт бир алимге чокъ яшамакънынъ сыррыны сорагъанлар. О да: «Биз эки кунъде учъ кере аш ашаймыз. Ашны яхшы пиширемиз, яхшы чайнамадан ютмаймыз, ач олмадан ашамаймыз, тоймадан софрадан турамыз. Саба ашыны эрте ашаймыз, акъшам ашыны кеч ашаймыз, амма токъ къурсакъкъа юкъламаймыз», – деген.

Чокъ кедер ве чокъ шиддетли севинч зарарлыдыр, къанны къоюлаштырыр. Бош турмамалы, бир ишнен мешгъуль олмалыдыр. Аталарымыз айткъаны киби:

Аягъынъны сыджакъ тут, башынъны серин,
Бир ишнен мешгъуль ол, тюшюнме терен.

Хасталыкъларгъа себеп оладжакъ шейлерден сакъынмалы. Гедже аз, кунъдюз исе, чокъ юкъламамакъ, токъ олгъанда, аш ашамамакъ. Аякъ устюнде ве юрьгенде, аш ашамамакъ. Инсаннынъ къальби тарладаки экин кибидир. Ашамакъ исе, ягъмур кибидир. Къарардан зияде сув экинни ёкъ эткени киби, зияде аш къальпни ольдюре.

Чокъ ашамакъ – хасталыкъларнынъ башыдыр.

Ашкъазанымызнынъ учъте бирини ашнен, учъте бирини ичиледжеклернен толдурып, учъте бирини де авагъа къалдырмакъ керек. Аштан сонъ тишлерни мисвакъ я да тиш фырчысынен темизлемели. Токъ оларакъ ятмамалы. Хадис-и шерифте: **«Токъ оларакъ ятманъыз, къальбинъиз къатылашыр»**, – буюрылгъан.

Тиббиет тарафындан вуджудымызгъа зарарлы олгъаны белли бир шей динимиздже де ясакътыр. Къышта сувукъта къалып бузламакъ, язда кунеш туюнде къалмакъ – хасталыкънынъ себеби ола биле. Хадис-и шерифте бойле буюрыла: **«Кунеште чокъ турманъыз! Кунеш урбаны эскирте, йыпрата, хасталыкъкъа да себеп ола»**.

Асырлар эвель яшагъан бир табип бойле айткъан: «Хаста олмагъандже, иляч къулланылмамалы! Аш яхшы пишкен олмалы. Ашагъанда, яхшы чайнамакъ керек. Токълукъ унуткъанлыкъ кетире. Къальпни кёр эте. Кичик ве буюк хаджетлер беклетильмемели. Кунъдюз, уйледен сонъ бираз юкъламакъ яхшы олур. Акъшам аштан сонъ, аз да олса, юрьмеден юкълама. Саба ашыны ашамадан эвден чыкъма. Чюнки саба ашы себебинден кейфинъ яхшы олур ве агъырбашлы олурсынъ, айны заманда, базарда корюнген эр шейге джанынъ чекмеген олур».

Сагълыкълнынъ темелинде темизлик бар. Эбу Малик Эшарий (р.а) ривает эте ки, Пейгъамберимиз (с.а.с.) онъа бойле айткъан эди: **«Темизлик – иманнынъ ярысыдыр»** (Муслим).

Тиш темизлемек – Пейгъамберимизнинъ (с.а.в) суннетидир. Эбу Хурейра (р.а) ривает эткенине коре, Аллахнынъ Ресули бойле буюргъан: **«Уметтимни зоргъа сокъмакътан къоркъмаса эдим, оларгъа эр намаз вакъытында мисвакънен тишлерини темизлемекни эмир этер эдим»** (Бухарий, Муслим).

Айше анамыз (р.а) ривает эткенине коре, Пейгъамберимиз (с.а.с.) бойле буюкргъан: **«Мисвакъ къуланмакъ – агъызынынъ темиз къалмасына ве Раббнинъ разы олмасына себептир»** (Несайи, «Тахарет», 4).

Ислям дини мусульманларны озъ хасталыкъларындан шифа къыдырмаларына чагъыра. Бир кунъ Пейгъамберимизге бедевийлер келип, ондан сорагъанлар: «Эй, Аллахнынъ пейгъамбери, биз тедавий коръмек керекмизми?» О, джевап берген: **«Эбет, эй, Аллахнынъ къуллаары, тедавийленинъиз. Шубе ёкъ ки, Аллах шифасы олмагъан хасталыкъ яратмагъан. Истиснада тек бир раатсызлыкъ бар»**. Олар сорагъанлар: «Насыл бир раатсызлыкъ, Эй, Аллахнынъ Ресули?» О да джевап берген: **«Къартлыкъ!»** (Тирмизий).

Мусульман эр вакъыт кучлю ве сагълам олмагъа тырышмалы. Эбу Хурейра (р.а) ривает эткенине коре, Аллахнынъ Ресули (с.а.с.) бойле айткъан: **«Кучлю мумин (Аллах къатында) зайыф муминден даа хайырлы ве даа севимлидир. (Бунен берабер) эр экисинде де хайыр бардыр. Сен, санъа ярарлы олгъан шейни къазанмагъа тырыш. Аллахтан ярдым сора ве асыл да аджизлик косътерме. Башына бир шей кельсе, «Бойле япса эдим, бойле олур эди» сёзю шейтанны мемнюн этеджек ишлернинъ къаптысыны ача»** (Муслим).


Бойлеликнен, биз, мусульманлар оларакъ, ильк эвеля, озъ сагълыгъымызгъа ве темизлигимизге дикъкъат этмек керекмиз. Пейгъамберимизнинъ (с.а.с.) насатларына уймакънен башламакъ мумкюн. Эгер бизлер кучлю ве сагълыкълы олсакъ, Аллахнынъ огюнде вазифелеримизни даа да яхшы шекильде беджерирмиз. Аллах бизлерни хасталыкълардан ве тенбелликтен къорчаласын.

Амин!

«Эр диннинъ бир ахлякъы бар. Ислямнынъ ахлякъы – утанчакълыкътыр» (Хадис-и шериф, Малик)

Амель дефтери

Иса ВЕЛИЕВ



Амель дефтери – инсанларнын дюнъяда япкъан амеллеринин, айткъан сёзлеринин ве япкъан ишлеринин къайд этильгени ве ахиретте оларгъа бериледжеги дефтердир. Амель дефтерини дюнъядаки мектеп талелелеринин табеллерине бенъзетмек мумкюн. Шу табеллерден талеленин мувафакъиетли я да мувафакъиетсиз олгъаныны огренмек мумкюн.

Къуранда китап ве сухуф (саифелер) адынен анъылгъан амель дефтерине «Китабу’ль-эмаль», «Сахифету’ль-эмаль» да деп айтыла. Къуранда инсаннын дюнъяда япкъан амеллеринин къыямет куню ачылгъан бир китапта онъа косътериледжеги ве эр кестен озъ китабыны окъумасы истениледжеги бильдириле: **«Эр инсаннын месулиетини боюнына Биз юкледик. Къыямет куню онъа (инсангъа) ачылгъан вазиятте алдына къоюладжакъ бир китап чыкъараджакъмыз. Китабынъны окъу! Бугунъ санъа эсап сорайды оларакъ озъ нефсинъ етер»** («Исра» суреси, 17/13-14).

Амель дефтерине Кирамен Катибин, хафаза мелеклери, ракъиб, атид адларынен анъылгъан мелеклернин изып къайд эткени бильдириле: **«Ким де, мумин олып, эйи ишлер япса, оннын тырышканы инкяр этильмейджек. Шубесиз, Биз оны язамыз»** («Энбия» суреси, 21/94).

Бу китап инсаннын хакъ-батыл, ялан-догъру, хайыр-шер, яхшы-яман бутюн инанч, тюшондже, сёз ве арекетлерни ичине ала. Бакъынъыз, бу мевзуда Аллах не буюра: **«Китап (амель дефтери) ортагъа къоюлды. Гунахкярларнын ичинде язылы олгъанлардан къоркъкъаныны ве: «Вай алымызгъа! Бу насыл бир китап?! Кичик-буюк ич бир шей къалдырмайып, (япкъанларымызнын) эписини сайып къойгъан!» – деп, айткъанларыны корерсинъ. Ве олар (бойледже) япкъанларыны кършыларында таптылар. Раббинъ (исе,) ич бир кимсеге зулум этмейджек»** («Кехф» суреси, 18/49).

Мектепте окъугъан балаларгъа эр бир черикнин сонъунда баалар къоюла ве талелелеринин мувафакъиетли олып-олмагъаныны косътерген табеллер бериле. Талеленин ана-бабасы балаларынын алгъанлары табельге бакъып, баланын окъувда дереджесини анълай. Табелде зайыф олгъан дерслерни тюзетмек ичюн бала даа чокъ чалыша, тыпкъы, бунинъ киби, эгер бизим ибадетлеримизде – намаз, ораза, эял-харамны айырув киби меселелерде зайыф тарафларымыз олса, оларны чалышып, эксиклерини тамамламакъ керек.

Амель дефтери инсаннын огюне къоюлгъан сонъ, дюнъяда яшагъанда окъумагъа-язмагъа бильмеген инсан биле, Аллахнын береджеги бир къабилиетнен окъуп оладжакъ. Амель дефтери дженнетликлерге сагъдан, джеэннемликлерге солдан я да аркъадан бериледжек. Дефтерлери сагъдан бериледжеклер Къуранда «Асхабу’ль-емин», солдан бериледжеклер Къуранда «Асхабу’ш-шималь» деп анъыла.

Табель берильгенде, базы талелелер, юзьлери кулюп, севинчлерини яшагъанда, дерслери зайыф олгъан талелелер исе, кедер ве утанч алында оларар. Табели яхшы олгъан балалар озъ бааларыны эр кеске косътерип къуваналар ве: «Бакъынъыз, бакъынъыз...» деп севинелер. Табели ярамай олгъан талелелер исе: «Кешке, оджам табелимни косътермесе, анам-бабам, якъынларым, кимсе коръмесе», – деп, утанч дуя. Иште, ахиретте инсанларгъа амель дефтерлери берильгенде, бунъа бенъзеген вакъиа Къуран-ы Керимде бойле анълатыла: **«Китабы сагъ тарафындан берильген киши: «Алынъыз, китабымны окъунъыз», – деп айтаджакъ. – «Догърусы, мен**

эсабымнен кършылашаджакъымны тюшонген эдим». Артыкъ о, разы оладжакъ бир аят ичиндедир. Узюледжек мейвалары ашагъы саркъкъан юдже бир дженнеттедир. Кечмиш куньлерде япкъанларынынъызгъа (эйи амеллерге) кършылыкъ, афиетнен ашанъыз, ичинъиз! Амма, китабы сол тарафындан берильген исе, айтаджакъ: **«Кешке манъа китабым берильмесе эди!»** («Хакъкъа» суреси, 69/19-25).

Дефтернин сагъ тарафындан берилуви – севинч ишарети, солдан я да аркъадан берилуви исе, – азап ишарети оладжакъ. Чюнки сагъ тарафындан китаплары бериледжеклер дженнетке, сол тарафтан я да аркъадан китаплары берильгенлер исе, джеэннемге киреджеклер.

Талелелерге табель берильгенде, сагъдан, солдан я да аркъадан берильмей, амма табельни алгъанлар, бааларыны корьгенде, бунинъ яхшы я да яман олып-олмагъаныны пек яхшы анълайлар. Эльбетте ки, биз, дюнъяда яшагъанда, амель дефтеримизнин вазиятини билип оламаймыз, амма Къуранда ве Пейгъамберимизнин суннетинде инсаннын дюнъяда нелер япмасы керек олгъаны анълатыла. Къайсы инсанлар къуртуладжакъы белли. Эгер инсан къуллукъ вазифелерини ерине кетирсе, ич олмаса, ахиретте къуртулмакъ ичюн, бираз олса да, умюти олур. Амма дюнъяда Аллахтан, Къурандан, джамиден узакъ яшагъан инсанлар ахиретте неге ишанып умютленеджеклер? Неге ишанып дженнетке киреджеклер? Оларны джеэннем атешинден ким къуртараджакъ? Иште, шу суаллерге догъру джевап къыдырып тапсакъ, иншаллах амель дефтеримиз де хайырлы амеллернен толур, ахиретте де къуртулгъанлардан олурмыз.

Къуранда инсаннын дюнъя аяты битип, Раббине къавушкъаны вакъыт, эгер китабы сагъ элине берильсе, эсабынынъ къолай оладжакъы ве бахтлы бир аятны къазанаджакъы, китабы аркъадан берильсе, алевли атешке атыладжакълары бильдириле: **«Эй, инсан! Шубе ёкъ ки, сен Раббинъге къавушмакъ ичюн тырышып турасынъ; ве сонъунда Онен кършылашаджакъсынъ! Кимге китабы сагъындан берильсе, о, къолай бир эсапнен эсапкъа чекиледжек. Ве севинчли оларакъ (дженнетке,) якъынларына къайтаджакъ. Кимге де китабы аркъасындан берильсе, о, ёкъ олмакъны тилейджек ве атеште (джеэннемде) янаджакъ»** («Иншикъакъ» суреси, 84/6-13).

Эльбет, ахиретте бизлерге бериледжек амель дефтерине бенъзеген бир весикъаны балаларымыз бизлерге йылда къач кере кетирелер. О табельге бакъкъанда, баланын не устюнде чалышмакъ кереклигини коремиз. Я ахиретте бизлерге сагъымыздан, солумыздан я да аркъаамыздан бериледжек амель дефтеринен бир багъ къурып оламазмы?

Бугунъ дерслеринде зайыф баа алгъан бир баламызгъа багъырып чакъыргъанда, дерслерини япмайып, оюнгъа алданып, дерслерини ихмал эткени ичюн, эв вазифелерини япмагъаны ичюн ачувлангъанда, табельге бакъып да ачувлангъанда, аджеба, ахиретте бизге бериледжек амель дефтеримиз акъылымызгъа келеми?

Бир кунъ бу табель киби бизге да бир амель дефтери бериледжек. Япкъанымыз эр шейнинъ язылгъаны, къайдлы олгъаны бир амель дефтери... Буюк-кичик не олса, олсун, эр шейнинъ, тоз данеси къадар буюкликте эйилик я да яманлыкъ язылы олгъаны бир амель дефтери... Сен баланъа яман баа алгъанда, онъа багъыра эдинъ, дерслерине чалышмады, деп, онъа ачувлана эдинъ, Аллаху Таала да: **«Къулум! Санъа о къадар нимет бердим. Малмульк, эвлят, байлыкъ бердим. Не ичюн манъа къуллукъ этмединъ? Мен санъа беш вакъыт намаз къылмакъны эмир эттим. Сен исе, кунъде беш кере окъулгъан эзангъа къулакъ бермединъ», – десе, не джевап берерсинъ? Санъа ачувланып джеэннемине къойса, сен не япаджакъсынъ?**

Озъ табелинъ (амель дефтерине) бакъкъанда, инсан язылы олгъан яман шейлерни кореджек ве: **«Мен япмадым, мелеклер янълыш язды...», – деп айтаджакъ. «Фуссылет» суресинде къулакъларнынъ, козьлерининъ ве терилерининъ шаатлыкъ этеджеклери бильдириле: «Ниает, о ерге (эсап мейданына) кельгенлеринде, къулакълары, козьлери ве терилери япкъанларындан себеп, оларгъа кършы шаатлыкъ этеджек»** («Фуссылет» суреси, 41/20).

«Ясин» суресинде де Къыямет куню агъызларнынъ муурленип, эллерининъ ве аякъларнынъ инсаннын ишлегени амеллер акъкъында шаатлыкъ япаджакъы бильдириле: **«О кунъ оларнынъ агъызларыны муурьлермиз, япып къазангъанларыны бизге эллери анълатыр, аякълары да шаатлыкъ етер»** («Ясин» суреси, 36/65).

Аллаху Таала бу дюнъяда къайсымыз даа эйи иш япаджакъыны, къайсымыз даа эйи къул оладжакъыны сынамакъ ичюн олюмни ве аятны яратты. Бу керчек Къуранда бойле бильдириле: **«О (Аллах), къайсы биринъизнинъ даа гузель амель япаджакъыны сынамакъ ичюн олюмни ве аятны яратты. О, кучьлюдир, чокъ багъышлайдыдыр»** («Мульк» суреси, 67/2).

Аллах джумлемизни амель дефтери сагъ тарафындан берильген къулларындан эйлесин!

Истигфар и тауба: ключи к милости Всевышнего

Эльдар АДИЛЬШАЕВ



Истигфар – мольба о прощении грехов, врата к облегчению, счастью и решению проблем. Это не просто слова, а духовная практика, через которую верующий обретает прощение Аллаха, защиту от бед, увеличение пропитания и исполнение мольб. Пророк Мухаммад (с.а.с.) подчёркивал: **«Если кто-либо постоянно просит прощения у Аллаха, Он даст ему выход из любой беды, облегчение от тревог и пропитание оттуда, откуда он не ожидает»** (Абу Давуд).

Истигфар напоминает о милости Аллаха, чьё имя Аль-Гаффар (Всепоощающий), и учит нас никогда не терять надежду на Его прощение.

Всевышний призывает: **«Просите прощения у вашего Господа и раскаивайтесь перед Ним. Тогда Он даст вам наслаждаться благами до определённого срока и одарит Своей милостью»** (Сура «Худ», 11/3).

Даже после ошибок Аллах открывает дверь покаяния: **«Кто совершит зло или причинит вред себе, а затем попросит прощения у Аллаха, найдёт Его Прощающим и Милосердным»** (Сура «Ниса», 4/110).

Сподвижники передавали, что Посланник Аллаха (с.а.с.) произносил истигфар более 70 раз в день, демонстрируя, что покаяние – не признак слабости, а путь к духовной чистоте.

Тауба (тёвбе) – это искреннее покаяние.

Истигфар – первый шаг, а тауба – глубокое раскаяние, включающее не только слова, но и действия. Аллах говорит: **«Попросите прощения у своего Господа, а затем раскайтесь перед Ним. Поистине, мой Господь – Милующий, Любящий»** (Сура «Худ», 11/90).

Условия принятия таубы:

1. Искреннее сожаление – чувство стыда и сожаления не из-за последствий греха, а из-за осознания неповиновения Аллаху.
2. Немедленное прекращение совершения греха.
3. Твёрдое намерение никогда не возвращаться к греху.

Если грех затрагивает права людей (например, воровство или клевета), необходимо также возместить ущерб и попросить прощения у пострадавшего.

Пророк (с.а.с.) сказал: **«Все сыны Адама грешат, но лучшие из грешников – кающиеся»** (Тирмизи).

Покаяние (тауба) – обязанность каждого верующего (фард), подтвержденная Кораном, Сунной и единогласным мнением учёных. В Священном Коране говорится: **«Обращайтесь к Аллаху с покаянием все вы, о, верующие, может быть, вы преуспее!»** (Сура «Нур», 24/31).

Существует семь причин, побуждающих к покаянию:

1. Страх перед наказанием.
2. Надежда на награду.
3. Стыд перед отчётом в Судный день.
4. Любовь к Аллаху.
5. Осознание, что Аллах видит всё.
6. Возвеличивание Творца.
7. Благодарность за Его блага.

Всевышний Аллах соблюдает в отношениях со своими рабами баланс милости и справедливости. Аллах бесконечно Милостив, но также и Справедлив:

«Поистине, Я прощаю тех, кто раскаялся, уверовал и творил добро» (Сура «Та Ха», 20/82);

«Господь твой обладает прощением, но суров в наказании» (Сура «Рад», 13/6).

Как и во всём, нужно остерегаться обмана шайтана и в этом вопросе! Ведь он внушает: «Аллах Милостив, можно грешить». Но Коран предупреждает: **«Пусть обманщик (шайтан) не обольстит вас милостью Аллаха!»** (Сура «Лукман», 31/33).

Практические советы:

1. Включите истигфар в ежедневный зикр.

Формула «Эстеғфируллах» («Я прошу прощения у Аллаха») – простой, но мощный инструмент.

2. Сочетайте истигфар с добрыми делами.

Благодетельность, намаз, помощь другим стирают грехи.

3. Не откладывайте покаяние.

Завтра может не наступить, а милость Аллаха ближе, чем кажется.

Истигфар и тауба – не просто ритуалы, а образ жизни верующего. Они очищают сердце, укрепляют связь с Аллахом и открывают двери Его милости. Как сказано в Коране: **«Поистине, Аллах любит кающихся и любит очищающихся»** (Сура «Бакара», 2/222).

Пусть Всевышний сделает нас среди тех, кто следует сунне покаяния, ценит Его милость и страшится Его справедливости. Амин!

Важно помнить:

- Искренность – основа принятия покаяния.
- Постоянство в истигфаре приносит благо и умиротворение.
- Покаяние – это дар, который Аллах дарует тем, кто стремится к Нему.

«Аллах тарафындан къабул этильген хаджнынь къаршылыгъы ялынъыз дженнеттир» (Хадис-и шериф, Бухарий)

НАМАЗ ВАКЪЫТЛАРЫ

Акѣмесджит	МАЙЫС • 2025						
		ИМСАК	КУНЕШ	УЙЛЕ	ЭКИНДИ	АКЪШАМ	ЯТСЫ
Джумаакъшамы	1	3:50	5:22	12:45	16:37	19:58	21:30
Джума	2	3:48	5:20	12:45	16:37	20:00	21:32
Джумаэртеси	3	3:46	5:19	12:45	16:38	20:01	21:34
Базар	4	3:44	5:17	12:45	16:38	20:02	21:35
Базарэртеси	5	3:42	5:16	12:45	16:38	20:03	21:37
Салы	6	3:40	5:15	12:45	16:39	20:04	21:39
Чаршенбе	7	3:38	5:13	12:45	16:39	20:06	21:41
Джумаакъшамы	8	3:36	5:12	12:44	16:40	20:07	21:43
Джума	9	3:34	5:11	12:44	16:40	20:08	21:45
Джумаэртеси	10	3:32	5:09	12:44	16:40	20:09	21:46
Базар	11	3:30	5:08	12:44	16:41	20:11	21:48
Базарэртеси	12	3:29	5:07	12:44	16:41	20:12	21:50
Салы	13	3:27	5:06	12:44	16:42	20:13	21:52
Чаршенбе	14	3:25	5:05	12:44	16:42	20:14	21:54
Джумаакъшамы	15	3:23	5:04	12:44	16:42	20:15	21:56
Джума	16	3:21	5:03	12:44	16:43	20:16	21:57
Джумаэртеси	17	3:20	5:01	12:44	16:43	20:17	21:59
Базар	18	3:18	5:00	12:45	16:44	20:19	22:01
Базарэртеси	19	3:16	4:59	12:45	16:44	20:20	22:03
Салы	20	3:15	4:58	12:45	16:44	20:21	22:05
Чаршенбе	21	3:13	4:58	12:45	16:45	20:22	22:06
Джумаакъшамы	22	3:12	4:57	12:45	16:45	20:23	22:08
Джума	23	3:10	4:56	12:45	16:46	20:24	22:10
Джумаэртеси	24	3:09	4:55	12:45	16:46	20:25	22:11
Базар	25	3:07	4:54	12:45	16:46	20:26	22:13
Базарэртеси	26	3:06	4:53	12:45	16:47	20:27	22:15
Салы	27	3:04	4:53	12:45	16:47	20:28	22:16
Чаршенбе	28	3:03	4:52	12:45	16:47	20:29	22:18
Джумаакъшамы	29	3:02	4:51	12:46	16:48	20:30	22:19
Джума	30	3:00	4:51	12:46	16:48	20:31	22:21
Джумаэртеси	31	2:59	4:50	12:46	16:48	20:32	22:22

Алушта - 1,
Багъчасарай + 2,
Къарасувбазар - 2,
Джанкой - 1,
Кезлев + 3,

Керич - 9,
Ор Къапы + 2,
Акъяр + 2,
Эски Къырым - 3,
Кефе - 5,

Ялта + 4,
Судакъ - 3,
Акъшейх + 3,
Акъмечит
(Черноморское) + 4

ЛУГЪАТ

адий – обычный
алямет – признак
бедений –
физический
думан – туман
зулум –
притеснение
интикъам – месть
инша – сочинение
итибар – уважение

кесен-кес –
категоричный
махсус –
специально
мукъфат – награда
насиат –
наставление
техлике – опасность
фаркъ – отличие
фитне – интрига

Аллахнынъ 99 ады

Девамы. Башлангъычы эвельки санларда.

«Энъ гузель адлар Аллахнынъдыр. Онъа о гузель адларынен дуа этинъиз» («Араф» суреси, 7/180).

67. Юдже Мевлямыз Аллаху Таалынынъ гузель адларындан бири де – Эль-Вахид. Бу исим арапчадаки в-х-д тамырындан келип чыкъа. Бу тамырдаки саде учъ арифли кечмиш заман фиили вэхэдэ ве онынъ масдары (ондан япылгъан исимфииль) – «вахдет» сёзю «бир олмакъ, тек олмакъ, екяне олмакъ, ялынъыз олмакъ, бир бутюн олмакъ» маналарыны ифаде эте. Иште, «вахид» сёзю шу фиильден япылгъан исм-и файльдир (бир сыфатфиильдир). «Бир олгъан, тек олгъан, екяне олгъан, ялынъыз олгъан, бир бутюн олгъан» демектир. Аллахнынъ ады оларакъ, Вахид – «болюнмеси ве сайысынынъ артмасы мумкюн олмагъан, бир, тек, екяне, заты, сыфатлары ве фииллеринде бенъзери ве ортагъы олмагъан» манасыны ифаде эте. Бу нокъта-и назардан Вахид исими айны тамырдан кельген Аллахнынъ дигер ады – Эхад исимине манаджа ошай.

Дженаб-ы Хакънынъ Вахид ады Къуран-ы Керимде он беш ерде анъыла. Месея, «Ибрахим» суресинде бойле буюрыла: «О (Къыямет) куню ер башкъа бир ерге чевириледжек, коклер де (башкъа коклерге чевириледжек)! Олар (инсанлар) да (къабирлеринден турып) Вахид (бир тек олгъан) ве Къаххар (эр шейни къудрети ве акимieti алтына алгъан) Аллахнынъ хузурына чыкъаджакълар» («Ибрахим» суреси, 14/48). Раб-бимизнинъ Вахид ады, эм де бир чокъ хадислерде анъылып кельген. Шу джумледен, Вахид исими Тирмизийнинъ ве Ибн Мадженинъ эсма-и хусна джедвеллеринде анъыла (Тирмизий, «Деават», 82; Ибн Мадже, «Дуа», 10).


Эсасен, «бир» манасына кельген Вахид ады эсаптаки «бир» ракъамы киби анълашылмамалы. Чюнки эсаптаки бир ракъамынынъ девамы бар. Аллахнынъ бир олгъаныны энъ гузель шекильде «Ля иляхе илляллах» – «Аллахтан гъайры илях ёкъ» деген тевхид келимеси ифаде эте. Бу кяинатны хатасыз ве тесадофке зерре къадар изин бермейджек шекильде эсаплы яраткъан, низам ве интизам ичинде аятны девам эттирген бир тек Аллах-тыр.

Инсан исе, бу кяинатта Онынъ энъ шеревли мусафири ве сейирджиси-дир. Онынъ ичюн де, инсан бу шеревни къорчаламакъ меджбуриетинде-дир. Аллахны Яратыджы ве Раббиси оларакъ билип, Онъа ибадет ве къул-лукъ этмелидир.

Эбет, энъ гузель исимлер, шубесиз, Аллахнынъдыр!

Девамы оладжакъ.

Лейля Умерова



Газета «ХИДАЕТ» («ВЕРНЫЙ ПУТЬ») – учредитель и издатель:

ЦРО Духовное Управление Мусульман Республики Крым и г. Севастополь (Таврический Муфтият). Издаётся на крымскотатарском языке.

Главный редактор – УМЕРОВ Эмир-Асан Сабриевич.

Адрес издательства и редакции газеты: 295001, г. Симферополь, ул. Курчатова, 4.

Телефон: +7 (978) 074-18-47. Сайт: qmdi.ru; e-mail: hidayet@qmdi.ru. Редакция не несёт ответственности за содержание рекламных материалов. Рукописи и письма не рецензируются и не возвращаются. Печать АО «Издательство и типография «Таврида», 295051, г. Симферополь, ул. Генерала Васильева, 44. Печать офсетная.

Утверждено в печать: 05.05.2025, время подписания по графику 17:00. Дата выхода: 06.05.2025. Свидетельство: ПИ №ТУ91-00171 от 24.04.2015 г., выдан Управлением Федеральной службы по надзору в сфере связи, информационных технологий и массовых коммуникаций по Республике Крым и г. Севастополь.

Заказ № 0590. Тираж: 10 000. Раздаётся бесплатно.